

四庫全書薈要

• 乾隆御覽本

集部

欽定四庫全書薈要

集部

御選古文淵薈卷三

四

御選古文淵鑒卷三目錄

周



晉楚鄢陵之戰成公十六年

晉悼公復霸成公十八年

祁奚請老襄公三年

晉魏絳對晉侯襄公三年

晉悼公縣上治兵

襄公十三年

晉師曠論衛人出君

襄公十四年

宋子罕辭玉

襄公十五年

魯臧孫論詰盜

襄公二十一年

鄭子產論重幣

襄公二十四年

子產然明論政

襄公二十五年

吳公子請觀周樂

襄公二十九年

衛北宮文子相襄公如楚

襄公三十一年

子產不毀鄉校

襄公三十一年

子產論尹何為邑

襄公三十一年

衛北宮文子論威儀

襄公三十一年

子產論晉侯疾

昭公元年

晏嬰叔向論齊晉

昭公三年

御選古文淵鑒卷三目錄

御選古文淵鑒卷三

內閣學士兼禮部侍郎殷習庶吉士臣徐乾學等奉

旨編注

周

左傳

晉楚鄢陵之戰

成公十六年

晉侯

厲公

將伐鄭范文子曰若逞吾願諸侯皆叛晉可以

逞若唯鄭叛晉國之憂可立俟也樂武子曰不可以當

吾世而失諸侯必伐鄭乃興師樂書將中軍士燮佐之

卻錡將上軍荀偃佐之卻錡卻克子荀偃荀庚子林父孫韓厥將下軍

卻至佐新軍荀瑩居守卻犇如衛卻犇卻克從父兄弟遂如齊皆

乞師焉樂廩來乞師樂廩樂書子孟獻子曰孟獻子魯大夫仲孫蔑有

勝矣戊寅晉師起鄭人聞有晉師使告於楚姚句耳與

往句耳鄭大夫楚子共王救鄭司馬將中軍子反令尹將左子重右

尹子辛將右公子過申子反入見申叔時曰師其何如

壬夫

對曰德刑詳義禮信戰之器也

詳祥也古字同

德以施惠刑以

正邪詳以事神義以建利禮以順時信以守物民生厚

而德正用利而事節時順而物成上下和睦周旋不逆

求無不具各知其極故詩曰立我烝民莫匪爾極

周頌思文

篇是以神降之福時無災害民生敦龐和同以聽莫不

盡力以從上命致死以補其闕此戰之所由克也今楚

內棄其民而外絕其好瀆齊盟而食話言奸時以動而

疲民以逞民不知信進退罪也人恤所底

底至也音旨

其誰

致死子其勉之吾不復見子矣姚句耳先歸子駟問焉

子駟鄭公子駟

對曰其行速過險而不整速則失志不整喪列

志失列喪將何以戰楚懼不可用也五月晉師濟河聞

楚師將至范文子欲反曰我偽逃楚可以紓憂夫合諸

侯非吾所能也以遺能者我若羣臣輯睦以事君多矣

武子曰不可六月晉楚過於鄢陵范文子不欲戰卻至

曰韓之戰惠公不振旅

在僖十五年

箕之役先軫不反命

在僖

三十年邲之師荀伯不復從

在宣十年

皆晉之恥也子亦見

先君之事矣。今我辟楚，又益恥也。文子曰：「吾先君之亟戰也，有故。秦狄齊楚皆彊，不盡力，子孫將弱。今三彊服矣，敵楚而已。惟聖人能外內無患，自非聖人，外寧必有內憂。」孟釋楚以為外懼乎？甲午晦，楚晨壓晉軍，而陳軍吏患之。范匄趨進，匄，士曰：「塞井夷竈，陳於軍中而疏行首，疏行首者，當陳前決開營壘為戰道。晉楚惟天所授，何患焉？」文子執戈逐之，曰：「國之存亡，天也。童子何知焉？」樂書曰：「楚師輕窵，固壘而待之。三日必退，退而擊之，必獲勝焉。」郤至曰：「楚

有六間不可失也其二卿相惡

子重子反二卿相惡

王卒以舊

親兵

罷老鄭陳而不整蠻軍而不陳陳不違晦

晦月終陰盡兵家所忌

在陳而囂合而加囂各顧其後莫有鬪心舊不必良以

犯天忌我必克之楚子登巢車以望晉軍

巢車車上為櫓

子重

使大宰伯州犂侍於王後

州犂晉伯宗子前年奔楚

王曰騁而左右

何也曰召軍吏也皆聚於中軍矣曰合謀也張幕矣曰

虔卜於先君也徹幕矣曰將發命也甚囂且塵上矣曰

將塞井夷竈而為行也皆乘矣左右執兵而下矣曰聽

誓也戰乎曰未可知也乘而左右皆下矣曰戰禱也伯

州犂以公卒告王苗賁皇在晉侯之側亦以王卒告賁皇

楚鬬椒子宣

皆曰國士在且厚不可當也

晉侯左右皆以伯州犂在

四年奔晉

楚知晉之情且謂楚衆多故憚合戰

苗賁皇言於晉侯曰楚之良在其中

軍王族而已請分良以擊其左右而三軍萃於王卒必

大敗之公筮之史曰吉其卦遇復

震下坤上復無變

曰南

國蹇射其元王中厥目

蹇子六反

國蹇王傷不敗何待公從

之有淖於前乃皆左右相違於淖步穀御晉厲公

步穀即卻

殺卻樂鉞為右

樂書子

彭名御楚共王潘黨為右石首御

鄭成公唐苟為右樂范以其族夾公行陷於淖樂書將

載晉侯鉞曰書退國有大任焉得專之

在君前故子名其父

且侵

官冒也失官慢也離局姦也有三罪焉不可犯也乃掀

公以出於淖

掀許言反

癸巳潘尫之黨與養由基躡甲而射

之徹七札焉

黨潘尫之子躡聚也○躡在尊反

以示王曰君有二臣如

此何憂於戰王怒曰大辱國詰朝爾射死藝呂錡夢射

月中之退入於泥

呂錡魏錡

占之曰姬姓日也異姓月也必

楚王也射而中之退入於泥亦必死矣及戰射共王中

目王召養由基與之兩矢使射呂錡中項伏弋

弋弓衣

以

一矢復命卻至三遇楚子之卒見楚子必下免胄而趨

風楚子使工尹襄問之以弓

問遺也

曰方事之殷也有韎

韋之跗注君子也

韎赤色跗注戎服若袴而屬於識見跗與袴連韋熟皮也○韎音妹

見

不穀而趨無乃傷乎卻至見客免胄承命曰君之外臣

至從寡君之戎事以君之靈間蒙甲冑

間猶近也

不敢拜命

敢告不寧君命之辱為事之故敢肅使者

肅肅手至地

三肅

使者而退晉韓厥從鄭伯

從逐也

其御杜溷羅曰速從之

其御屢顧不在馬可及也韓厥曰不可以再辱國君乃

止

成二年韋戰韓厥已辱齊侯

郤至從鄭伯其右弗翰胡曰謀輅之

余從之乘而俘以下

欲遣輕兵單進以距鄭伯車前而自後登車以執之○輅五稼反

郤至曰傷國君有刑亦止石首曰衛懿公唯不去其旗

是以敗於熒乃內旌於殽中

熒戰在閏二年

唐苟謂石首曰子

在君側敗者壹大

謂軍大崩也

我不如子子以君免我請止

言首亦君之親臣而執御與車右乃死楚師薄於險叔
不同故首當御君而退已當死戰

山冉謂養由基曰雖君有命為國故子必射乃射再發盡殪叔山冉搏人以投中車折軾晉師乃止囚楚公子茂樂鍼見子重之旌請曰楚人謂夫旌子重之麾也彼其子重也日臣之使於楚也子重問晉國之勇臣對曰好以衆整曰又何如臣對曰好以暇今兩國治戒行人不使不可謂整臨事而食言不可謂暇請攝飲焉

攝持也

公許之使行人執榼承飲造於子重曰寡君之使使鍼御持矛是以不得攝從者使其攝飲子重曰夫子嘗與

吾言於楚必是故也不亦識乎

識記也謂能記往日之言

受而飲之

免使者而復鼓旦而戰見星未已子反命軍吏察夷傷補卒乘繕甲兵展車馬雞鳴而食唯命是聽晉人患之

苗賁皇徇曰蒐乘補卒秣馬利兵修陳固列蓐食申禱

明日復戰乃逸楚囚

逆縱也

王聞之召子反謀穀陽豎獻

飲於子反

穀陽子反內豎

子反醉而不能見王曰天敗楚也夫

余不可以待乃宵遁晉入楚軍三日穀范文子立於戎

馬之前曰君幼諸臣不佞何以及此君其戒之周書曰

惟命不於常有德之謂

周書康誥

楚師還及瑕

瑕楚地

王使謂

子反曰先大夫之覆師徒者君不在

謂子玉敗城濮時王不在軍

子

無以為過不穀之罪也子反再拜稽首曰君賜臣死死

且不朽臣之卒實奔臣之罪也子重使謂子反曰初隕

師徒者而亦聞之矣盍圖之

而汝也言初子玉喪師自殺

對曰雖微

先大夫有之

言雖無先大夫子玉自殺之事

大夫命側側敢不義

言子重以

義責我敢不引義自裁

側亡君師敢忘其死王使止之弗及而卒

晉厲公既勝益驕范文子自裁公聽嬖臣譖殺三卻為樂書所載晉國大亂皆如文子之言尋迎悼公入立復

霸○按西山真氏文章正宗錄左丘明文為冠分辭命
議論敘事三條而敘事最有體要如伐楚盟召陵齊桓
公之霸也戰于韓秦晉兵爭之始也戰于泓宋襄求霸
之終事也戰于城濮晉文公之霸也濟河楚舟秦穆公
之霸也戰于邲楚莊王之霸也鄢陵之戰言楚之不競
也三代以後王降而霸春秋首尾大約皆五霸之事左
氏纖悉具備而敘次城濮邲鄢陵之戰為史家權輿讀
者詳焉

晉悼公復霸 成公十八年

二月乙酉朔晉悼公即位于朝

厲公殺絕故悼公不以嗣子居喪

始命

百官施舍已責

施恩惠舍勞役止逋責

逮鰥寡

惠及微民

振廢滯

起舊德

匡乏困救災患禁淫慝薄賦斂宥罪戾節器用時用民

欲無犯時使魏相士魴魏頡趙武為卿

相魏錡子魴士會子頡魏顗子

武趙朔子此四人父祖皆有勞於晉國

荀家荀會樂廩韓無忌為公族大

夫使訓卿之子弟共儉孝弟

無忌韓厥子

使士渥濁為大傅

使修范武子之法

渥濁士貞子范武子士會也為景公大傅

右行辛為司空

使修士蒍之法

辛將右行因以為氏士蒍獻公司空也

并糾御戎校正屬

焉

并糾樂糾也校正主馬官

使訓諸御知義

戎士尚節義

荀賓為右司士

屬焉

司士車右之官

使訓勇力之士時使

勇力多不順命故卿訓之以共時之使

無共御立軍尉以攝之

省卿戎御令軍尉攝御而已

祁奚為中軍尉

羊舌職佐之魏絳為司馬

魏犢子也

張老為候奄鐸遏寇為

上軍尉籍偃為之司馬

偃籍諱父為上軍司馬○過於葛反

使訓卒乘親

以聽命

相親以聽上命

程鄭為乘馬御六駟屬焉使訓羣駟知

禮

乘馬御乘車之僕也六駟周禮諸侯有六開馬乘車尚禮容故訓羣駟使知禮

凡六官之長

皆民譽也

大國三卿晉時置六卿為軍帥故總舉六官則知羣官無非其人○長丁丈反

舉不

失職官不易方

官守其業無相踰易

爵不踰德

量德受爵

師不陵正旅

不逼師

正軍將命卿也師二千五百人之帥也言上下有禮不相陵逼

民無

謗言所以復霸也

祁奚請老 襄公三年

祁奚請老晉侯問嗣焉

晉侯悼公嗣續其職者

稱解狐其讐也將

立之而卒又問焉對曰午也可

午祁奚子

於是羊舌職死矣

晉侯曰孰可以代之對曰赤也可

赤職之子伯華

於是使祁午

為中軍尉羊舌赤佐之君子謂祁奚於是能舉善矣稱

其讐不為諂立其子不為比舉其偏不為黨商書曰無

偏無黨王道蕩蕩

商書洪範

其祁奚之謂矣解狐得舉祁午

得位伯華得官建一官而三物成

物事也

能舉善也夫唯

善故能舉其類詩云惟其有之是以似之祁奚有焉

雅小

裳裳者

華篇

晉魏絳對晉侯

襄公三年

晉侯之弟揚干亂行於曲梁

行陳次曲梁晉地

魏絳戮其僕

魏絳

魏犢子

晉侯怒謂羊舌赤曰合諸侯以為榮也揚干為戮

何辱如之必殺魏絳無失也對曰絳無貳志事君不辟

難有罪不逃刑其將來辭何辱命焉言終魏絳至授僕

人書將伏劍士魴張老止之

士魴士會子

公讀其書曰日君

乏使使臣斯司馬

斯此也

臣聞師衆以順為武軍事有死

無犯為敬君合諸侯臣敢不敬君師不武執事不敬罪
莫大焉臣懼其死以及揚干無所逃罪不能致訓至於
用鉞臣之罪重敢有不從以怒君心請歸死於司寇公
跣而出曰寡人之言親愛也吾子之討軍禮也寡人有
弟弗能教訓使干大命寡人之過也子無重寡人之過
敢以為請晉侯以魏絳為能以刑佐民矣反役與之禮

食使佐新軍

羣臣旅會今欲顯絳故特為設禮食

晉悼公繇上治兵襄公十三年

荀瑩士魴卒晉侯蒐于繇上以治兵使士匄將中軍

士匄

士匄

辭曰伯游長

伯游

昔臣習於知伯是以佐之非能

賢也請從伯游荀偃將中軍士匄佐之使韓起將上軍

辭以趙武

韓起韓

又使欒黶辭曰臣不如韓起韓起願

上趙武君其聽之使趙武將上軍韓起佐之欒黶將下

軍魏絳佐之新軍無帥晉侯難其人使其什吏率其卒

乘官屬以從於下軍禮也晉國之民是以大和諸侯遂

睦君子曰讓禮之主也范宣子讓

范宣子即士句

其下皆讓樂

麋為汰弗敢違也晉國以平數世賴之刑善也夫一人

刑善百姓休和可不務乎書曰一人有慶兆民賴之其

寧惟永其是之謂乎

周書呂刑

周之興也其詩曰儀刑文王

萬邦作孚

大雅文王篇

言刑善也及其衰也其詩曰大夫不

均我從事獨賢

小雅北山篇

言不讓也世之治也君子尚能

而讓其下小人農力以事其上是以上下有禮而讒慝

黜遠由不爭也謂之懿德及其亂也君子稱其功以加

小人小人伐其技以馮君子

馮亦陵也○馮音憑

是以上下無禮

亂虐並生由爭善也謂之昏德國家之敝恒必由之

晉師曠論衛人出君

襄公十四年

師曠侍於晉侯

師曠晉樂大師字子野

晉侯曰衛人出其君

是年衛孫

林父逐衛獻公奔齊

不亦甚乎對曰或者其君實甚良君將賞善

而刑淫養民如子蓋之如天容之如地民奉其君愛之如父母仰之如日月敬之如神明畏之如雷霆其可出乎夫君神之主而民之望也若困民之主匱神乏祀百

姓絕望社稷無主將安用之弗去何為天生民而立之

君使司牧之勿使失性有君而為之貳使師保之貳卿佐

勿使過度是故天子有公諸侯有卿卿置側室側室支子之官

大夫有貳宗貳宗宗子之副貳者士有朋友庶人工商皂隸牧圉

皆有親暱以相輔佐也善則賞之過則匡之患則救之

失則革之自王以下各有父兄子弟以補察其政史為

書謂大史君舉則書替為詩為詩以風刺工誦箴諫工樂人也誦箴諫之辭大

夫規誨士傳言士卑不得徑達聞君過失傳告大夫庶人謗庶人不與政聞君過則諱

誇商旅於市

旅陳也陳其貨物以示時所貴尚

百工獻藝

獻其技藝以喻政事

故

夏書曰道人以木鐸徇于路

夏書胤征篇道人行人之官也木鐸木舌金鈴徇于

路求歌謠之言

官師相規工執藝事以諫正月孟春於是乎有

之諫失常也天之愛民甚矣豈其使一人肆於民上以從其淫而棄天地之性必不然矣

宋子罕辭玉

襄公十五年

宋人或得玉獻諸子罕

司城子罕

弗受獻玉者曰以示

玉人玉人以為寶也故敢獻之子罕曰我以不貪為寶

爾以玉為寶若以與我皆喪寶也不若人有其寶稽首而告曰小人懷璧不可以越鄉納此以請死也子罕寘諸其里使玉人為之攻之攻治也富而後使復其所賣玉得富而後使或人歸於其所居

魯臧孫論詰盜襄公二十一年

邾庶其

邾曹姓庶其邾大夫

以漆間丘

二邑

來奔季武子以公姑姊

妻之

季武子魯大夫季孫宿

皆有賜於其從者於是魯多盜季孫

謂臧武仲曰

臧武仲魯大夫臧孫紇

子盍詰盜

詰治也

武仲曰不可

詰也紇又不能季孫曰我有四封而詰其盜何故不可
子為司寇將盜是務去若之何不能武仲曰子召外盜
而大禮焉何以止吾盜子為正卿而來外盜使紇去之
將何以能庶其竊邑於邾以來子以姬氏妻之而與之
邑其從者皆有賜焉若大盜禮焉以君之姑姊與其大
邑其次皂牧輿馬其小者衣裳劍帶是賞盜也賞而去
之其或難焉紇也聞之在上位者洒濯其心壹以待人
軌度其信可明徵也而後可以治人夫上之所為民之

歸也上所不為而民或為之是以加刑罰焉而莫敢不
懲若上之所為而民亦為之乃其所也又可禁乎夏書
曰念茲在茲釋茲在茲名言茲在茲允出茲在茲惟帝
念功大禹謨將謂由己壹也信由己壹而後功可念也庶
其非卿也以地來雖賤必書重地也

鄭子產論重幣 襄公二十四年

范宣子為政

范

諸侯之幣重鄭人病之二月鄭伯如晉

子產寓書於子西以告宣子

子產鄭大夫公孫僑子西鄭公孫夏寓寄也

曰

子為晉國四隣諸侯不聞令德而聞重幣僑也惑之僑
聞君子長國家者非無賄之患而無令名之難夫諸侯
之賄聚於公室則諸侯貳若吾子賴之則晉國貳諸侯
貳則晉國壞晉國貳則子之家壞何沒沒也

沒沒沉
減也

將

焉用賄夫令名德之輿也德國家之基也有基無壞無

亦是務乎有德則樂樂則能久詩云樂只君子邦家之

基

小雅南山
有臺篇

有令德也夫上帝臨女無貳爾心

大雅大
明篇

有令名也夫恕思以明德則令名載而行之是以遠至

邇安毋寧使人謂子子實生我而謂子浚我以生乎

浚取

也象有齒以焚其身賄也宣子說乃輕幣是行也鄭伯朝晉為重幣故且請伐陳也鄭伯稽首宣子辭子西相曰以陳國之介恃大國而陵虐于敝邑寡君是以請罪焉敢不稽首

子產然明論政

襄公二十五年

晉程鄭卒

程鄭荀氏別族

子產始知然明

然明酸棧前年然明謂程鄭將死今如其

言故知之問為政焉對曰視民如子見不仁者誅之如鷹鷂

之逐鳥雀也子產喜以語子大叔

游吉也

且曰他日吾見

蔑之面而已今吾見其心矣子大叔問政於子產子產
曰政如農功日夜思之思其始而成其終朝夕而行之
行無越思如農之有畔其過鮮矣

吳公子請觀周樂

襄公二十九年

吳公子札來聘

吳姬姓于爵泰伯後至壽夢始大僭稱王公子札壽夢子

見叔孫穆

子

魯大夫叔孫豹

說之謂穆子曰子其不得死乎好善而不能

擇人吾聞君子務在擇人吾子為魯宗卿而任其大政

不慎舉何以堪之禍必及子

昭四年豎牛請觀於周樂作亂殺穆子

魯以周公故有天子禮樂

使工為之歌周南召南曰美哉始基之矣

猶未也

猶有商紂未盡善也

然勤而不怨矣為之歌邶鄘衛曰美

哉淵乎憂而不困者也吾聞衛康叔武公之德如是是

其衛風乎

言三國同是衛風

為之歌王曰美哉思而不懼其周

之東乎為之歌鄭曰美哉其細已甚民弗堪也是其先

亡乎為之歌齊曰美哉泱泱乎大風也哉

泱泱弘大之聲○泱於良

反表東海者其大公乎國未可量也為之歌豳曰美哉

蕩乎樂而不淫其周公之東乎為之歌秦曰此之謂夏
聲夫能夏則大大之至也其周之舊乎為之歌魏曰美
哉泂泂乎

泂泂中庸之聲
○泂扶弓反

大而婉險而易行以德輔此

則明主也為之歌唐曰思深哉其有陶唐氏之遺風乎
不然何憂之遠也非令德之後誰能若是為之歌陳曰
國無主其能久乎自鄆以下無譏焉為之歌小雅曰美
哉思而不貳怨而不言其周德之衰乎猶有先王之遺
民焉為之歌大雅曰廣哉熙熙乎曲而有直體其文王

之德乎為之歌頌曰至矣哉直而不倨曲而不屈邇而
不偏遠而不攜遷而不淫復而不厭衰而不愁樂而不
荒用而不匱廣而不宣施而不費取而不貪處而不底
守之以道雖復止處不底滯也行而不流五聲和八風平節有度守有

序盛德之所同也

商周同此盛德非必及魯

見舞象箭南籥者

象箭舞所

執南籥以籥舞也皆文王之樂○箭音朔

曰美哉猶有憾

美哉美其容也文王恨不及已致太

平見舞大武者

武王樂

曰美哉周之盛也其若此乎見舞

韶護者

湯之樂

曰聖人之弘也而猶有慚德

慚於始伐

聖人之

難也見舞大夏者

禹之樂

曰美哉勤而不德非禹其誰能

修之見舞韶箭者

舜樂。箭音簫。

曰德至矣哉大矣如天之無

不疇也如地之無不載也雖甚盛德其蔑以加於此矣
觀止矣若有他樂吾不敢請已

衛北宮文子相襄公如楚

襄公三十一年

十二月北宮文子相衛襄公以如楚

文子北宮佗襄公獻公子

宋之

盟故也

晉楚之從交相見也宋之盟在襄二十七年

過鄭印段

公孫黑肱子

廷勞

於棐林如聘禮而以勞辭

用聘禮而用郊勞之辭。○廷于況反。

文子入聘

子羽為行人馮簡子與子大叔逆客事畢而出言於衛

侯曰鄭有禮其數世之福也其無大國之討乎詩云誰

能執熱逝不以濯

大雅桑柔篇

禮之於政如熱之有濯也濯

以救熱何患之有

以上文子辭

子產之從政也擇能而使之

馮簡子能斷大事子大叔

游吉

美秀而文公孫揮

子羽能知

四國之為而辨於其大夫之族姓班位貴賤能否而又

善為辭令裨諲能謀謀於野則獲謀於邑則否鄭國將

有諸侯之事子產乃問四國之為於子羽且使多為辭

令與裨諶乘以適野使謀可否而告馮簡子使斷之事
成乃授子大叔使之以應對賓客是以鮮有敗事北
宮文子所謂有禮也

子產不毀鄉校 襄公三十一年

鄭人游於鄉校

鄉之以學校

以論執政

論其得失

然明謂子產曰毀

鄉校如何子產曰何為夫人朝夕退而游焉以議執政

之善否其所善者吾則行之其所惡者吾則改之是吾

師也若之何毀之我聞忠善以損怨

為忠善則怨謗息

不聞作

威以防怨豈不遽止然猶防川大決所犯傷人必多吾
不克救也不如小決使道不如吾聞而藥之也

以為己藥石

然明曰蔑也今而後知吾子之信可事也小人實不才
若果行此其鄭國實賴之豈唯二三臣仲尼聞是語也
曰以是觀之人謂子產不仁吾不信也

子產論尹何為邑

襄公三十一年

子皮

罕虎

欲使尹何為邑

為邑大夫

子產曰少未知可否子皮

曰愿吾愛之不吾叛也使夫往而學焉夫亦愈知治矣

子產曰不可人之愛人求利之也今吾子愛人則以政

猶未能操刀而使割也其傷實多子之愛人傷之而已

其誰敢求愛於子子於鄭國棟也棟折榱崩

榱所追反

僑將

厭焉

厭於甲反

敢不盡言子有美錦不使人學製焉大官大

邑身之所庇也而使學者製焉其為美錦不亦多乎僑

聞學而後入政未聞以政學者也若果行此必有所害

譬如田獵射御貫

貫習也

則能獲禽若未嘗登車射御則

敗績厭覆是懼何暇思獲子皮曰善哉虎不敏吾聞君

子務知大者遠者小人務知小者近者我小人也衣服
附在吾身吾知而慎之大官大邑所以庇身也我遠而
慢之微子之言吾不知也他日我曰子為鄭國我為吾
家以庇焉其可也今而後知不足自今請雖吾家聽子
而行子產曰人心之不同如其面焉吾豈敢謂子面如
吾面乎抑心所謂危亦以告也子皮以為忠故委政焉
子產是以能為鄭國

衛北宮文子論威儀 襄公三十一年

衛侯在楚北宮文子見令尹圍之威儀

楚靈王圍時為令尹

言於

衛侯曰令尹似君矣將有他志雖獲其志不能終也詩

云靡不有初鮮克有終

大雅蕩之篇

終之實難令尹其將不

免公曰子何以知之對曰詩云敬慎威儀惟民之則

大雅

抑之篇令尹無威儀民無則焉民所不則以在民上不可

以終公曰善哉何謂威儀對曰有威而可畏謂之威有儀而可象謂之儀君有君之威儀其臣畏而愛之則而象之故能有其國家令聞長世臣有臣之威儀其下畏

而愛之故能守其官職保族宜家順是以下皆如是是
以上下能相固也衛詩曰威儀棣棣不可選也

邶風
柏舟篇

言君臣上下父子兄弟内外大小皆有威儀也周詩曰

朋友攸攝攝以威儀

大雅既
醉篇

言朋友之道必相教訓以

威儀也周書數文王之德曰大國畏其力小國懷其德

武成
篇

言畏而愛之也詩云不識不知順帝之則

大雅皇
矣篇

言則而象之也紂囚文王七年諸侯皆從之囚紂於是
乎懼而歸之可謂愛之文王伐崇再駕而降為臣蠻夷

率服可謂畏之文王之功天下誦而歌舞之可謂則之
文王之行至今為法可謂象之有威儀也故君子在位
可畏施舍可愛進退可度周旋可則容止可觀作事可
法德行可象聲氣可樂動作有文言語有章以臨其下
謂之有威儀也

楚靈王後墓
位死於乾谿

子產論晉侯疾 昭公元年

晉侯有疾

平公

鄭伯使公孫僑

子產

如晉聘且問疾叔向問

焉

叔向羊舌職
之子名肸

曰寡君之疾病卜人曰實沈臺駘為祟

駘他史莫之知敢問此何神也子產曰昔高辛氏有二才反

子伯曰閼伯閼於葛反季曰實沈居於曠林不相能也日尋

干戈以相征討后帝不臧遷閼伯於商丘主辰商丘宋地主祀

辰星辰辰大火也商人是因故辰為商星遷實沈於大夏主參大夏

晉陽縣參水星也主祀參星唐人是因以服事夏商其李世曰唐叔

虞當武王邑姜方震大叔邑姜武王后齊大公之女懷胎為震大叔叔虞夢帝

謂已余命而子曰虞將與之唐屬諸參而蕃育其子孫及生有文在其手曰虞遂以命之及成王滅唐而封大

叔焉故參為晉星由是觀之則實沈參神也昔金天氏

有裔子曰昧為玄冥師生允格臺駘

金天氏帝少暉玄冥水官昧為水官

之長臺駘能業其官

纂昧之業

宣汾洮

宣猶通也汾洮二水名○洮他刀反

障大

澤以處大原

大原晉陽也

帝用嘉之

帝顓頊

封諸汾川沈姒蓀

黃實守其祀

四國臺駘之後

今晉主汾而滅之矣由是觀之則

臺駘汾神也抑此二者不及君身山川之神則水旱癘

疫之災於是乎崇之

有水旱之災則崇祭山川之神若臺駘者周禮四曰崇祭○崇音詠

日月星辰之神則雪霜風雨之不時於是乎崇之

星辰之神

若實沈者若君身則亦出入飲食哀樂之事也山川星辰之

神又何為焉僑聞之君子有四時朝以聽政晝以訪問

夕以修令夜以安身於是乎節宣其氣勿使有所壅蔽

湫底以露其體

湫謂氣聚而不散底謂氣泄而不快露羸也○湫子小反

茲心不爽

而昏亂百度

爽明也百度百事之節

今無乃壹之

同四時也

則生疾矣

僑又聞之內官不及同姓

內官嬪御

其生不殖美先盡矣則

相生疾

同姓之相與先美矣美極則盡盡則生疾

君子是以惡之故志曰買

妾不知其姓則卜之違此二者古之所慎也男女辨姓

禮之大司也今君內實有四姬焉其無乃是也乎若由

是二者弗可為也已四姬有省猶可無則必生疾矣叔

向曰善哉肸未之聞也此皆然矣叔向出行人揮送之

叔向問鄭故焉且問子皙對曰其與幾何言將不久無禮而

好陵人怙富而卑其上弗能久矣明年鄭殺公孫黑晉侯聞子

產之言曰博物君子也重賄之晉侯求醫於秦秦伯使

醫和視之曰疾不可為也是謂近女室疾如蠱蠱惑非疾

鬼非食惑以喪志良臣將死天命不祐良臣不匡救君過故不為天所

祐公曰女不可近乎對曰節之先王之樂所以節百事

也故有五節

五聲之節

遲速本末以相及中聲以降五降之

後不容彈矣

降罷退也樂有五聲宮君商臣角民徵事羽物其有臣過君民過臣事過民物過事

者則不用正聲而以半聲應之是為五降五降而後則非復正聲

於是有煩手淫聲

堙心耳乃忘平和君子弗聽也

五降不息則雜聲並奏所謂鄭衛之聲

物

亦如之

言百事皆如樂不可失節

至於煩乃舍也已無以生疾君子

之近琴瑟以儀節也非以怡心也天有六氣降生五味

發為五色徵為五聲淫生六疾六氣曰陰陽風雨晦明

也分為四時序為五節五行過則為蓄陰淫寒疾陽淫

熱疾風淫末疾末四肢也雨淫腹疾晦淫惑疾明淫心疾明

也思慮煩多女陽物而晦時淫則生內熱惑蠱之疾今

君不節不時能無及此乎出告趙孟趙武趙孟曰誰當良

臣對曰主是謂矣主相晉國於今八年晉國無亂諸侯

無闕可謂良矣和聞之國之大臣榮其寵祿任其大節

有蓄禍興而無改焉必受其咎今君至於淫以生疾將

不能圖恤社稷禍孰大焉主不能禦吾是以云也趙孟

不能圖恤社稷禍孰大焉主不能禦吾是以云也趙孟

曰何謂蠱對曰淫溺惑亂之所生也於文皿蟲為蠱

皿器

也器受蟲害者為蠱

穀之飛亦為蠱

穀久積則變為飛蟲名曰蠱

在周易女惑

男風落山謂之蠱三三

巽下艮上蠱巽為長女艮為少男少男而說長女非匹蠱惑之

象巽為風艮為山山木為風所落蠱壞之象

皆同物也趙孟曰良醫也厚其

禮而歸之

是年十二月趙孟卒

晏嬰叔向論齊晉

昭公三年

齊侯使晏嬰

齊大夫

請繼室于晉曰寡君使嬰曰寡人願

事君朝夕不倦將奉質幣以無失時則國家多難是以

不獲不腆先君之適

姜謂少

以備內官焜耀寡人之望則

又無祿早世隕命寡人失望君若不忘先君之好惠顧

齊國辱收寡人微福於大公丁公

二公齊先君

照臨敝邑鎮

撫其社稷則猶有先君之適

適夫人之女

及遺姑姊妹

遺餘也

若而人君若不棄敝邑而辱使董振擇之以備嬪嬙寡

人之望也

董正也振整也嬪嬙婦官

韓宣子使叔向對曰寡君之願

也寡君不能獨任其社稷之事未有伉儷在衰絰之中

是以未敢請

制夫人之服則葬訖君臣乃釋服

君有辱命惠莫大焉若

惠顧敝邑撫有晉國賜之內主豈唯寡君舉羣臣實受

其貺其自唐叔以下實寵嘉之

唐叔晉之祖

既成昏晏子受

禮

受賓享之禮

叔向從之宴相與語叔向曰齊其何如晏子

曰此季世也吾弗知齊其為陳氏矣

陳厲公佗之子完奔齊是為陳氏

公棄其民而歸於陳氏齊舊四量豆區釜鍾四升為豆

各自其四以登於釜

四豆為區區斗六升四區為釜釜六斗四升登成也

釜十則

鍾

六斛四斗陳氏三量

豆區釜三等之量皆登一焉鍾乃大矣

登加也加

一謂加舊量之一以五升為豆五豆為區五區為釜則區二斗釜八斗鍾八斛

以家量貸而以

公量收之山木如市弗加於山魚鹽蜃蛤弗加於海

往如

也山木往賣於市價如在山不加貴海之雜利往賣於市價如在海不加貴

民參其力二入

於公而衣食其一

言公重賦敘

公聚朽蠹而三老凍餒

謂三老

壽中壽下壽皆八十已上不見養遇

國之諸市屨賤踊貴

踊則足者屨言則多

民人

疾痛而或煥休之

煥休痛念之聲謂陳氏也

其愛之如父母而歸之

如流水欲無獲民將焉辟之箕伯直柄虞遂伯戲

四人皆舜

後陳氏

其相胡公大姬已在齊矣

胡公四人之後周始封陳之祖大姬其妃

也叔向曰然雖吾公室今亦季世也戎馬不駕卿無軍

行

晉國衰弱不能征討故戎車不復駕馬

公乘無人卒

列無長

百人為卒言人皆非其人非其長

庶民罷敝而宮室滋侈道殣

相望而女富溢尤

嬖寵女家富貴過甚

民間公命如逃寇讐樂邵

胥原狐續慶伯降在皂隸

八姓晉舊臣之族也皂隸賤官

政在家門

大夫

專民無所依君日不悛以樂慆憂

悛改也慆藏也

公室之卑其

何日之有讒鼎之銘曰

讒鼎名也

昧旦丕顯後世猶怠

昧旦早起

也不大也言風興以況日不悛其能久乎

晏子曰子將務大顯後世猶懈怠

若何

問何以免此難

叔向曰晉之公族盡矣胥聞之公室將卑

其宗族枝葉先落則公從之肸之宗十一族

同祖為宗

惟羊

舌氏在而已肸又無子

無賢子

公室無度幸而得死豈其

獲祀

哀五年齊景公卒陳乞弒其君荼立悼公陽生復弒之陳恒又弒悼公子簡公壬至恒曾孫田和卒

有齊國昭二十八年晉滅羊舌氏

御選古文淵鑒卷三

御選古文淵鑒卷四目錄

周

左傳

晉司馬侯論三不殆

昭公四年

魯申豐論雨雹

昭公四年

晉女叔齊論魯侯

昭公五年

楚遠啟疆論辱晉

昭公五年

鄭人鑄刑書

昭公六年

芊尹無宇對楚子

昭公七年

魯孟僖子論禮

昭公七年

晉師曠論石言

昭公八年

晉屠蒯諫平公

昭公九年

楚子革對靈王

昭公十二年

晉荀吳不納鼓叛人

昭公十五年

郟子論官名

昭公十七年

晏子諫誅祝史

昭公二十年

晏子論梁丘據

昭公二十年

鄭子太叔對趙簡子論禮

昭公二十五年

晏子論禳禬

昭公二十六年

仲尼論晉鑄刑鼎

昭公二十九年

邾黑肱以濫奔魯

昭公三十一年

衛祝佗爭先蔡

定公四年

孔子相夾谷之會

定公十年

楚子西論夫差將敗

哀公元年

仲尼論用田賦

哀公十一年

御選古文淵鑒卷四目錄

御選古文淵鑒卷四

內閣學士兼禮部侍郎教習庶吉士臣徐乾學等奉

旨編注

周

左傳

晉司馬侯論三不殆

昭公四年

四年春王正月許男如楚楚子止之

欲與俱田遂止鄭伯復

田江南許男與焉

前年楚子已與鄭伯田江南故言復

使叔舉

子胥祖父

如晉

求諸侯

楚靈王欲專會諸侯使叔舉往晉求之

二君待之

二君鄭許叔舉致命

曰寡君使舉曰日君有惠賜盟於宋

宋盟在襄二十七年

曰晉楚

之從交相見也以歲之不易

不易言有難

寡人願結驩於二

三君使舉請問君若苟無四方之虞則願假寵以請於

諸侯

欲借君之威寵以致諸侯

晉侯欲勿許司馬侯曰不可楚王方

侈天或者欲逞其心以厚其毒而降之罰未可知也其

使能終亦未可知也晉楚唯天所相不可與爭君其許

之而修德以待其歸若歸於德吾猶將事之況諸侯乎

若適淫虐楚將棄之吾又誰與爭公曰晉有三不殆其

何敵之有國險而多馬齊楚多難有是三者何鄉而不

濟對曰恃險與馬而虞鄰國之難是三殆也四嶽

東嶽岱山

西嶽華山南嶽衡山北嶽恒山三塗

山名太行轅轅峭通陽城縣在陽城縣東北

大室

在河南陽城縣西北荆山在新城沔鄉縣南中南

在始平武功縣

南九州之險也是不一姓冀之北土

燕代馬之所生無興

國焉恃險與馬不可以為固也從古以然是以先王務

修德音以亨神人

亨通也

不聞其務險與馬也鄰國之難

不可虞也或多難以固其國啟其疆土或無難以喪其

國失其守宇若何虞難齊有仲孫之難而獲桓公至今

賴之

仲孫公孫無知事在莊九年

晉有里平之難而獲文公是以為

盟主

里克平鄭事在僖九年

衛邢無難敵亦喪之

閔二年狄滅衛僖二十五年衛

滅邢故人之難不可虞也恃此三者而不修政德亡於不

暇又何能濟君其許之紂作淫虐文王惠和殷是以隕

周是以興夫豈爭諸侯乃許楚使使叔向對曰寡君有

社稷之事是以不獲春秋時見諸侯君實有之何辱命

焉椒舉遂請昏晉侯許之楚子問於子產曰晉其許我

諸侯乎對曰許君晉君少安少安猶言少情不在諸侯其大夫

多求貪也莫匡其君在宋之盟又曰如一晉楚同也若不許君

將焉用之焉用宋盟王曰諸侯其來乎對曰必來從宋之盟

承君之歡不畏大國大國晉也何故不來不來者其魯衛曹

邾乎曹畏宋邾畏魯魯衛偏於齊而親於晉唯是不來

其餘君之所及也誰敢不至王曰然則吾所求者無不

可乎對曰求逞於人不可逞快也求人快意人必違之與人同欲盡濟

魯申豐論雨雹 昭公四年

大雨雹季武子問於申豐曰雹可禦乎禦止也對曰聖人

在上無雹雖有不為災古者日在北陸而藏冰陸道也謂夏十

二月日在虛危冰堅而藏之西陸朝覲而出之謂夏三月日在昴畢蟄蟲出而用冰春分

之中奎星其藏冰也深山窮谷固陰沍寒於是乎取之

朝見東方沍沍閉其出之也朝之祿位賓食喪祭於是乎用之其藏也

之也黑牡秬黍以享司寒

黑牡黑牲也秬黍黑黍也司寒玄冥北方之神故物皆用

黑有事於冰故祭其神

其出之也桃弧棘矢以除其災

桃弓棘箭所以禳除

凶災將御至尊故

其出入也時食肉之祿冰皆與焉大夫命婦

喪浴用冰祭寒而藏之

享司寒

獻羔而啟之

謂二月春分獻羔祭韭始

開冰公始用之火出而畢賦

火星昏見東方謂三月四月中

自命夫命

婦至於老疾無不受冰

老致仕在家者

山人取之縣人傳之

山人

虞官縣人遂屬與人納之隸人藏之夫冰以風壯而以風出

春順

風而其藏之也周其用之也徧則冬無愆陽夏無伏陰

春無淒風秋無苦雨雷出不震無蓄霜雹癘疾不降民
不夭札今藏川池之冰棄而不用風不越而殺雷不發
而震電之為蓄誰能禦之七月之卒章藏冰之道也詩幽風卒章曰二之日鑿冰沖沖謂十二月鑿而取之三日納于陵陰冰室也四之日其蚤獻羔祭韭謂二月春分蚤開冰室以薦宗廟

晉女叔齊論魯侯

昭公五年

公如晉自郊勞至于贈賄無失禮晉侯謂女叔齊曰女叔

齊即司馬侯魯侯不亦善于禮乎對曰魯侯焉知禮公曰何

為自郊勞至于贈賄禮無違者何故不知對曰是儀也

不可謂禮

言揖讓進退此儀文也

禮所以守其國行其政

令無失其民者也今政令在家

在大夫

不能取也有子家

羈弗能用也

羈莊公玄孫懿伯也

奸大國之盟

元年會于號尋弭兵之盟季武子伐

莒取郕

陵虐小國利人之難

謂往年莒亂而取郕

不知其私

不自知有

私公室四分民食于他

他謂三家也言魯君與民無異

思莫在公不圖

其終

無為公謀終始者

為國君難將及身不恤其所禮之本末

將於此乎在

在恤民與憂國

而屑屑焉習儀以亟言善於禮不

亦遠乎君子謂叔侯於是乎知禮

時晉侯方失政叔侯以此諷諫昭二十五

年亦孫
於齊

楚遠啟疆論辱晉

昭公五年

晉韓宣子如楚送女叔向為介鄭子皮子大叔勞諸索

氏

河南城皋縣東有大索城大叔謂叔向曰楚王汰侈已甚子其戒

之叔向曰汰侈已甚身之災也焉能及人若奉吾幣帛

慎吾威儀守之以信行之以禮敬始而思終終無不復

從而不失儀敬而不失威道之以訓辭奉之以舊法考

之以先王

以先王之禮成其好

度之以二國

度晉楚之勢而行之

雖汰侈若

我何及楚楚子朝其大夫曰晉吾仇敵也苟得志焉無

恤其他今其來者上卿上大夫也若吾以韓起為閹

則足

門使守以羊舌肸為司官

加宮刑

足以辱晉吾亦得志矣可

乎大夫莫對遂啟疆曰可苟有其備何故不可恥匹夫
不可以無備況恥國乎是以聖王務行禮不求恥人朝
聘有珪享覲有璋小有述職大有巡功設机而不倚爵
盈而不飲宴有好貨殮有陪鼎入有郊勞出有贈賄禮

之至也國家之敗失之道也則禍亂興城濮之役晉無

楚備以敗於邲

言兵禍始於城濮○邲皮必反

邲之役楚無晉備以敗

于鄢自鄢以來晉不失備而加之以禮重之以睦

君臣和也

是以楚弗能報而求親焉既獲姻親又欲恥之以名寇

讐備之若何

言何以為備

誰其重此

言怨重

若有其人恥之可

也

謂有賢人以恥之晉則可恥之

若其未有君亦圖之晉之事君臣曰

可矣求諸侯而康至

康羣也○康立頃反

求昏而薦女

薦進也

君親

送之上卿及上大夫致之猶欲恥之君其亦有備矣不

然奈何韓起之下趙成中行吳魏舒范鞅知盈

五卿位在韓起

之下皆三軍之將佐也成趙武之子吳荀偃之子舒魏絳之子鞅士句之子盈荀偃之子

羊舌肸之

下祁午張趯談女齊梁丙張骼輔蹠苗賁皇皆諸侯

之選也

言非凡人藉談藉偃之子女齊即女叔齊○趙他歷反駱古百反蹠力狄反賁音粉選去聲

韓襄為公族大夫韓須受命而使矣

襄韓無忌子也為公族大夫須起之

門子年雖幼已任出使

箕襄邢帶

二人韓氏族

叔禽叔椒子羽

皆韓起庶子

皆大家也韓賦七邑皆成縣也

成縣賦百乘也

羊舌四族皆彊

家也

四族銅鞮伯華叔向叔魚叔虎兄弟四人○鞮丁兮反

晉人若喪韓起楊肸

叔向本羊舌氏食采於楊

五卿八大夫

五卿趙成以下八大夫祁午以下

輔韓須楊

石

石叔向子食我也

因其十家九縣長穀九百其餘四十縣遺

守四千

計遺守國者尚有四千乘

奮其武怒以報其大恥伯華謀之

伯華叔向兄

中行伯魏舒帥之

伯中行吳

其蔑不濟矣君將以親

易怨

失婚姻之親

實無禮以速寇而未有其備使羣臣往遺

之禽以逞君心何不可之有王曰不穀之過也大夫無

辱

謝遠啟疆

厚為韓子禮王欲教叔向以其所不知而不能

言

叔向之多知教五報反

亦厚其禮韓起反鄭伯勞諸圉

圉鄭地名辭

不敢見禮也

鄭人鑄刑書

昭公六年

三月鄭人鑄刑書

鑄刑書於鼎以爲國之常法

叔向使詒子產書曰

始吾有虞於子

虞度也言準度子產以爲己法

今則已矣昔先王議事

以制不爲刑辟懼民之有爭心也

臨事制刑不豫設法也法豫設則民知爭

端猶不可禁禦是故開之以義糾之以政行之以禮守

之以信奉之以仁制爲祿位以勸其從嚴斷刑罰以威

其淫懼其未也故誨之以忠聳之以行教之以務

時所急

使之以和

說以使民

臨之以敬泣之以彊斷之以剛猶求聖

哲之上明察之官

上公王也官卿大夫也

忠信之長慈惠之師民

於是乎可任使也而不生禍亂民知有辟則不忌於上

權移於法故民不畏上

並有爭心以徵於書而徵幸以成之

因危文以

生乎緣微幸以成其巧偽

弗可為矣夏有亂政而作禹刑商有亂政

而作湯刑

夏商之亂著禹湯之法言不能議事以制

周有亂政而作九刑之

衰亦為刑書謂之九刑按書呂刑周穆王享國百年老荒度作刑書告四方恐即此也

三辟之興

皆叔世也今吾子相鄭國作封洫

在襄三

立謗政

作丘賦在

四制參辟鑄刑書

制參辟謂用三代之末法

將以靖民不亦難乎詩

曰儀式刑文王之德日靖四方

周頌我將篇

又曰儀刑文王

萬邦作孚

大雅文王篇

如是何辟之有民知爭端矣將棄禮

而徵於書錐刀之末將盡爭之

錐刀末喻小事

亂獄滋豐賄賂

並行終子之世鄭其敗乎

聞之國將亡必多制數改

其此之謂乎復書曰若吾子之言僑不才不能及子孫

吾以救世也既不承命敢忘大惠士文伯曰

士弱之子句與范宣

子同族火見鄭其火乎

火心星周五月昏見

人未出而作火以鑄

刑器

刑器鼎也

藏爭辟焉

藏爭罪之法也

火如象之不火何為

是年六月

災鄭

芊尹無字對楚子

昭公七年

楚子之為令尹也為王旌以田

析羽為旌王旌旂至於軫

芊尹無字

斷之曰一國兩君其誰堪之及即位為章華之宮納亡

人以實之無字之閭入焉

有罪亡入章華宮

無字執之有司弗

與

王有司也

曰執人於王宮其罪大矣執而謁諸王

執無字也

王

將飲酒無字辭曰天子經畧

經營天下畧四海故曰經畧

諸侯正封

封疆有定分古之制也封畧之內何非君土食土之毛誰非

君臣

也毛草

故詩曰普天之下莫非王土率土之濱莫非

王臣

小雅北山篇

天有十日人有十等

王至臺

下所以事上上

所以共神也故王臣公公臣大夫大夫臣士士臣皂皂

臣輿輿臣隸隸臣僚僚臣僕僕臣臺馬有圉牛有牧

養馬

曰圉養牛曰牧

以待百事今有司曰女胡執人於王宮將焉執

之周文王之法曰有亡荒閱

荒大也閱蒐也有亡人當大蒐其衆

所以得

天下也吾先君文王

楚文王

作僕區之法

僕區刑書名

曰盜所

隱器

隱盜所得器

與盜同罪所以封汝也

行善政故能啟疆北至汝水

若

從有司是無所執逃臣也逃而舍之是無陪臺也

言皆將逃

王事無乃闕乎昔武王數紂之罪以告諸侯曰紂為天

下逋逃主萃淵藪

萃集也天下逋逃悉以紂為淵藪集而歸之

故夫致死焉

人欲致死紂夫音扶

君王始求諸侯而則紂無乃不可乎若以

二文之法取之盜有所在矣

言王亦為盜

王曰取而臣以往

往去也盜有寵未可得也

謂王自

遂赦之

赦無字

魯孟僖子論禮

昭公七年

九月公至自楚孟僖子病不能相禮

孟僖子魯大夫仲孫獲不能相儀答

郊勞以此為病事在奉年三月

乃講學之苟能禮者從之及其將死也

召其大夫

僖子屬大夫

曰禮人之幹也無禮無以立吾聞將

有違者曰孔丘

僖子卒時孔丘年三十五

聖人之後也

聖人殷湯

而滅於

宋

孔子六代祖孔父嘉為宋督所殺其子奔魯

其祖弗父何以有宋而授厲

公

弗父何孔父嘉之高祖宋閔公之子厲公之兄何適嗣當立以讓厲公

及正考父

弗父何之

曾孫孔父嘉之父也

佐戴武宣

三人皆宋君

三命茲益共

三命上卿也

故其

鼎銘云

考父廟之鼎

一命而僂再命而傴三命而俯

俯共於傴僂共

於僂○僂力主
反促紆羽反

循牆而走

言不敢安行

亦莫余敢侮

鬻於是以致餬余口

於是鼎中為餽鬻餽鬻餬屬言至儉

其共也如是臧孫

紇有言曰

紇武仲也

聖人有明德者若不當世其後必有達

人今其將在孔丘乎我若獲沒必屬說與何忌於夫子

說南宮敬叔何忌孟懿子皆僖子之子

使事之而學禮焉以定其位故孟

懿子與南宮敬叔師事仲尼仲尼曰能補過者君子也

詩曰君子是則是效

小雅鹿鳴篇

孟僖子可則效已矣

晉師曠論石言

昭公八年

八年春石言于晉魏榆

魏榆晉地有石忽作人言

晉侯問于師曠曰

石何故言對曰石不能言或馮焉

謂有精神馮依石而言

不然民

聽濫也抑臣又聞之曰作事不時怨讟動於民則有非

言之物而言令宮室崇侈民力彫盡怨讟並作莫保其

性石言不亦宜乎於是晉侯方築虎祁之宮

虎祁地名在絳西臨

汾水○虎音斯

叔向曰子野之言君子哉

子野師曠字

君子之言信

而有徵故怨遠於其身小人之言僭而無徵故怨咎及之詩曰哀哉不能言匪舌是出唯躬是瘁哿矣能言巧

言如流俾躬處休

小雅雨無正篇

其是之謂乎是宮也成諸侯

必叛君必有咎夫子知之矣

昭十年晉平公卒以成虎祁故諸侯皆有二心昭十

三年復盟

于平丘

晉屠蒯諫平公

昭公九年

晉荀盈如齊逆女

自為逆

還六月卒于戲陽

魏郡內黃縣北有戲陽城

殯于絳未葬晉侯飲酒樂膳宰屠蒯

禮記作杜蒯

趨入請佐

公使尊

公之使人執尊酌酒請為之佐

許之而遂酌以飲工

工樂師師曠也

曰

女為君耳將司聰也

樂所以聰耳

辰在子卯謂之疾日

疾惡也紂

以甲子喪祭以乙卯君徹宴樂學人舍業學人謂習樂之人舍業謂

亡故國君以為忌日不習為疾故也君之卿佐是謂股肱股肱或虧何痛如

之女弗聞而樂是不聽也又飲外嬖嬖叔外都大夫之嬖者曰

女為君目將司明也職在外服故主視以旌禮禮以行事事有

其物物有其容今君之容非其物也有卿佐之喪而作樂歡會故曰非其

物而女不見是不明也亦自飲也曰味以行氣氣以實

志志以定言言以出令臣實司味二御失官而君弗命

臣之罪也公說徹酒初公欲廢知氏而立其外嬖為是

後而止

○知氏即荀氏
後七全反

秋八月使荀躒佐下軍以說焉

躒荀

盈之子知文子也佐下
軍代父也說自解說

楚子革對靈王

昭公十二年

楚子狩于州來

地名

次于潁尾

潁水之尾
在下蔡西

使蕩侯潘子司

馬督囂尹干陵尹喜

五子楚
大夫

帥師圍徐以懼吳

徐嬴姓
伯翳之

後楚子次于乾谿

在譙國城
父縣南

以為之援雨雪王皮冠秦

復陶翠被

秦所遺
羽衣也

豹舄

以豹皮
為履

執鞭以出僕析

父從

楚大夫

右尹子革夕

子革鄭丹
夕莫見

王見之去冠被舍鞭

敬大與之語曰昔我先王熊繹楚始封君與呂伋齊太公之

王孫牟

衛康叔子康伯

燮父

晉唐叔之子

禽父

周公子伯禽

並事康王

康王

成王

四國皆有分我獨無有

四國齊晉魯衛分珍寶之器

今吾使人

於周求鼎以為分

禹鑄九鼎三代傳之以為有國之寶

王其與我乎對曰

與君王哉昔我先王熊繹辟在荆山

在新城沔鄉縣南

筭路藍

縷以處草莽跋涉山林以事天子唯是桃弧棘矢以共

禦王事

桃弧棘矢以禦不祥

齊王舅也

成王母齊太公女

晉及魯衛王母

弟也楚是以無分而彼皆有今周與四國服事君王將

唯命是從豈其愛鼎王曰昔我皇祖伯父昆吾舊許是

宅

陸終氏生六子長曰昆吾少曰季連季連楚之祖故謂昆吾為伯父昆吾嘗居許地

今鄭人貪

賴其田而不我與我若求之其與我乎對曰與君王哉

周不愛鼎鄭敢愛田王曰昔諸侯遠我而畏晉今我大

城陳蔡不羹

羹音郎

賦皆千乘子與有勞焉諸侯其畏我

乎對曰畏君王哉是四國者專足畏也又加以楚敢

不畏君王哉工尹路請曰君王命剝圭以為鉞秘

鉞斧也秘

柄也破圭玉以飾斧柄

敢請命

請制度之命

王入視之析父謂

子革吾子楚國之望也今與王言如響國其若之何子

革曰摩厲以須王出吾刃將斬矣

以已喻鋒刃欲自摩厲以斬王之淫慝

王出復語左史倚相趨過

倚相楚史名

王曰是良史也子善

視之是能讀三墳五典八索九丘

皆古書名

對曰臣嘗問焉

昔穆王欲肆其心

周穆王肆極也

周行天下將皆必有車轍馬

跡焉祭公謀父作祈招之詩以止王心

謀父周卿士祈父周司馬世掌

甲兵之職招其名祭公方諫遊行故指司馬官而言此逸詩也

王是以獲沒于祗宮

圻內

遊觀之宮竹書紀年穆臣問其詩而不知也若問遠焉
王元年作祗宮於南鄭

其焉能知之王曰子能乎對曰能其詩曰祈招之悵悵

式昭德音

悵悵安和貌

思我王度式如玉式如金形民之力

而無醉飽之心

言國之用民當隨其力任如金治之器隨器而制形故言形民之力去其醉飽

過盈之心蓋是時穆王遠游過用民力宴飲無度故其詩如此

王揖而入饋不食寢不

寐數日不能自克以及於難仲尼曰古也有志克己復

禮仁也信善哉楚靈王若能如是豈其辱於乾谿

昭十三年

楚公子比弑靈王於乾谿

晉荀吳不納鼓叛人 昭公十五年

晉荀吳帥師伐鮮虞圍鼓

鼓白狄之別鉅鹿下曲陽縣有鼓聚

鼓人或請

以城叛穆子

荀吳

弗許左右曰師徒不勤而可以獲城何

故不為穆子曰吾聞諸叔向曰好惡不愆民知所適事

無不濟或以吾城叛吾所甚惡也人以城來吾獨何好

焉賞所甚惡若所好何若其弗賞是失信也何以庇民

力能則進否則退量力而行吾不可以欲城而邇姦所

喪滋多使鼓人殺叛人而繕守備圍鼓三月鼓人或請

降使其民見曰猶有食色姑修而城軍吏曰獲城而弗

取勤民而頓兵何以事君穆子曰吾以事君也獲一邑

而教民怠將焉用邑邑以賈怠不如完舊賈怠無卒

卒終

也不能善終棄舊不祥鼓人能事其君我亦能事吾君率義

不爽好惡不愆城可獲而民知義所有死命而無二心

不亦可乎鼓人告食竭力盡而後取之克鼓而反不殘

一人以鼓子戴鞮歸

戴鞮鼓君名○戴越全反鞮丁兮反

郊子論官名

昭公十七年

秋郊子來朝公與之宴昭子問焉曰少皞氏鳥名官何

故也

少皞金天氏黃帝之子已姓之祖也問何故以鳥為官

郟子曰吾祖也我知

之昔者黃帝氏以雲紀故為雲師而雲名

黃帝軒轅氏姬姓之祖也

黃帝受命有雲瑞故以雲紀事百官師長皆以雲為名號縉雲氏蓋其一官也

炎帝氏以火紀

故為火師而火名

炎帝神農氏姜姓之祖也亦有火瑞以火紀事名百官

共工氏

以水紀故為水師而水名

共工以諸侯霸有九州者在神農前大皞後亦受水瑞以

水名

大皞氏以龍紀故為龍師而龍名

大皞伏羲氏風姓之祖也有龍

瑞故以

我高祖少皞摯之立也鳳鳥適至故紀於鳥為

鳥師而鳥名鳳鳥氏歷正也

鳳鳥知天時故以名歷正之官

玄鳥氏司

分者也

玄鳥燕也以春分來秋分去

伯趙氏司至者也

伯趙伯勞也以夏至鳴冬

至青鳥氏司啟者也

青鳥鶡鶩也以立春鳴立夏止

丹鳥氏司閉者也

丹鳥鶯雉也以立秋來立冬去入大水為蜃上四鳥皆歷正之屬官

祝鳩氏司徒也

祝鳩也鶡鶩

也鶡鶩孝故為司徒主教民

鵙鳩氏司馬也

鵙鳩王鵙也鶯而有別故為司馬主法度○鵙

反徐鵙鳩氏司空也

鵙鳩鵙鵙也鵙鳩平均故為司空平水土

爽鳩氏司寇

也爽鳩鷹也鶯故為司寇主盜賊

鵙鳩氏司事也

鵙鳩鵙鵙也春來冬去故為司事

五

鳩鳩民者也

鳩聚也治民上聚故以鳩為名

五雉為五工正

雉有五種西方曰鷩

雉東方曰鷩雉南方曰翟雉北方曰鵒雉伊洛之南曰鷩雉鷩雉攻木之工也鷩雉埴埴之工也翟雉攻金之

工也鵜雉攻皮之工也
翬雉設五色之工也

利器用正度量夷民者也

夷平也

九扈為九農正

藍冬扈九種春扈鵠鵠夏扈竊玄秋扈竊

噴噴桑扈竊脂老扈鵠鵠以九扈為九農之號各隨其

宜以教民事鵠鵠相五土之宜趣民耕種者也竊玄趣

民耘苗者也竊藍趣民收斂者也竊黃趣民蓋藏者也

棘扈竊丹為果驅鳥者也行扈喈喈畫為民驅鳥者也

宵扈噴噴夜為民驅獸者也桑扈竊脂為蠶驅

雀者也老扈鵠鵠趣民收麥令不得晏起者也

扈民無

淫者也

扈止也止民使不淫放

自顓頊以來不能紀遠乃紀於近

為民師而命以民事則不能故也

顓頊氏代少皞者德不能致遠瑞而以民

事命

仲尼聞之見於郊子而學之

於是仲尼既而告人

曰吾聞之天子失官學在四夷猶信

失官官不修其職傳言聖人無常師

晏子諫誅祝史

昭公二十年

齊侯疥遂瘵

瘵瘵疾○瘵失廉反

期而不瘳諸侯之賓問疾者多

在梁丘據與裔款言於公曰

二子齊嬰大夫

吾事鬼神豐於先

君有加矣今君疾病為諸侯憂是祝史之罪也諸侯不

知其謂我不敬君盍誅於祝固史嚚以辭賓公說告晏

子晏子曰日宋之盟

日往日也宋盟在襄二十七年

屈建問范會之德

於趙武

屈建即楚子木范會即晉士會范武子

趙武曰夫子之家事治言

於晉國竭情無私其祝史祭祀陳信不媿其家事無猜

其祝史不祈建以語康王

楚子

康王曰神人無怨宜夫子

之光輔五君以為諸侯主也

五君文襄靈成景

公曰據與款謂

寡人能事鬼神故欲誅於祝史子稱是語何故對曰若

有德之君外內不廢

無廢事

上下無怨動無違事其祝史

薦信無媿心矣是以鬼神用饗國受其福祝史與焉其

所以蕃祉老壽者為信君使也其言忠信于鬼神其適

遇淫君外內頗邪上下怨疾動作辟違從欲厭私高臺

深池撞鐘舞女斬刈民力輸掠其聚以成其違不恤後人暴虐淫從肆行非度無所還忌也顧忌不思謗譖不憚

鬼神神怒民痛無悛於心其祝史薦信是言罪也其蓋

失數美是矯誣也進退無辭則虛以求媚是以鬼神不

饗其國以禍之祝史與焉所以天昏孤疾者為暴君使

也其言僭慢於鬼神公曰然則若之何對曰不可為也

言非誅祝史所能治山林之木衡鹿守之澤之萑蒲舟鮫守之藪

之薪蒸虞候守之海之鹽蜃祈望守之

衡鹿舟鮫虞候祈望皆官名也

言公專守山澤之利不與民縣鄙之人入從其政偪介
共○崔音完麓曰薪細曰蒸

之開暴征其私

介隔也迫近都國之關言邊鄙既入服政役又為近關所征稅枉暴奪其私物

承嗣大夫強易其賄

承嗣大夫世位也

布常無藝

藝法也言布政無法制

徵斂無度宮室日更淫樂不違內寵之妾肆奪於市外

寵之臣僭令於鄙私欲養求不給則應

不給則應之以罪

民人

苦病夫婦皆詛祝有益也詛亦有損聊攝以東

聊攝齊西界也

平原聊城縣東北有攝城

姑尤以西

姑尤齊東界也姑水尤水皆在城陽郡東南入海

其為

人也多矣雖其善祝豈能勝億兆人之詛君若欲誅於

祝史修德而後可公說使有司寬政毀關去禁薄斂已

責

除逋責

晏子論梁丘據 昭公二十年

十二月齊侯田于沛

沛澤名

招虞人以弓不進

虞人掌山澤之官

公使執之辭曰昔我先君之田也旃以招大夫弓以招

士皮冠以招虞人臣不見皮冠故不敢進乃舍之仲尼

曰守道不如守官

君招當往道之常也非物不進官之制也

君子韙之

韙是也

齊侯至自田晏子侍于遼臺子猶馳而造焉

遼臺臺名子猶梁丘

據公曰唯據與我和夫晏子對曰據亦同也焉得為和

公曰和與同異乎對曰異和如羹焉水火醯醢鹽梅以

烹魚肉燂之以薪

燂煇也○燂章善反

宰夫和之齊之以味濟其

不及以洩其過君子食之以平其心君臣亦然君所謂

可而有否焉臣獻其否以成其可君所謂否而有可焉

臣獻其可以去其否是以政平而不干民無爭心故詩

曰亦有和羹既戒既平醢醢無言時靡有爭

商頌烈祖篇

先

王之濟五味和五聲也以平其心成其政也聲亦如味

一氣

樂須氣以動

二體

舞者有文武

三類

風雅頌

四物

雜用四方之物以成器

五聲

宮商角徵羽

六律

黃鐘太簇姑洗蕤賓夷則無射也

七音

宮商角徵羽變宮變徵也

八風

八方之風

九歌

九功之德皆可歌也六府三事謂之九歌

以相成也清濁小

大長短疾徐哀樂剛柔遲速高下出入周疏以相濟也

君子聽之以平其心心平德和故詩曰德音不瑕

幽風狼跋

篇今據不然君所謂可據亦曰可君所謂否據亦曰否

若以水濟水誰能食之若琴瑟之專壹誰能聽之同之

不可也如是飲酒樂公曰古而無死其樂若何晏子對

曰古而無死則古之樂也君何得焉昔爽鳩氏始居此

地

爽鳩氏少皞氏之司寇也

季荊因之

季荊虞夏諸侯代爽鳩氏者

有逢伯陵因

之

逢伯陵殷諸侯姜姓

蒲姑氏因之

蒲姑氏殷周之間代逢公者

而後大公因

之古若無死爽鳩氏之樂非君所願也

鄭子大叔對趙簡子論禮

昭公二十五年

夏會于黃父謀王室也

王室有子朝亂謀定之事在昭二十四年

趙簡子令

諸侯之大夫

簡子趙鞅

輸王粟具戍人曰明年將納王子大

叔見趙簡子簡子問揖讓周旋之禮焉對曰是儀也非

禮也簡子曰敢問何謂禮對曰吉也聞諸先大夫子產

曰夫禮天之經也地之義也民之行也天地之經而民

實則之則天之明因地之性生其六氣

謂陰陽風雨晦明

用其

五行氣為五味發為五色章為五聲淫則昏亂民失其

性是故為禮以奉之為六畜

馬牛羊雞犬豕

五性

麋鹿麇狼兔

三犧

祭天地宗廟三者謂之犧

以奉五味為九文

謂山龍華蟲藻火粉米黼黻也

六采

繪畫

之事雜用天地四方之色青與白赤與黑玄與黃皆相次謂之六色五章以奉五色

青與赤謂

之文赤與白謂之章白與黑謂之黼黑與青謂之黻五色備謂之繡集此五章以奉成五色之用

為九

歌八風七音六律以奉五聲為君臣上下以則地義為

夫婦外內以經二物

夫治外婦治內各治其物

為父子兄弟姊妹甥

舅昏媾姻亞以象天明

言其親疎倫序比象於天文之行列

為政事庸力

行務以從四時

民功曰庸治功曰力行其德教務其時要

為刑罰威獄使民

畏忌以類其震曜殺戮為溫慈惠和以效天之生殖長

育民有好惡喜怒哀樂生于六氣是故審則宜類

審其法則

宜其象類以制六志

為禮以制好惡喜怒哀樂六志使不過節

哀有哭泣樂有歌

舞喜有施舍怒有戰鬪喜生於好怒生於惡是故審行

信令禍福賞罰以制死生生好物也死惡物也好物樂也惡物哀也哀樂不失乃能協于天地之性是以長久簡子曰甚哉禮之大也對曰禮上下之紀天地之經緯也民之所以生也是以先王尚之故人之能自曲直以赴禮者謂之成人大不亦宜乎簡子曰鞅也請終身守此言也

晏子論襍

昭公二十六年

齊有彗星齊侯使襍之晏子曰無益也祇取誣焉天道

不諂不貳其命若之何禳之且天之有彗也以除穢也
君無穢德又何禳焉若德之穢禳之何損詩曰惟此文
王小心翼翼昭事上帝聿懷多福厥德不回以受方國
大雅大明篇大君無違德方國將至何患於彗詩曰我無所監

夏后及商用亂之故民卒流亡

逸詩也

若德回亂民將流

亡祝史之為無能補也公說乃止齊侯與晏子坐于路

寢

路寢正寢也

公歎曰美哉室其誰有此乎晏子曰敢問何

謂也公曰吾以為在德對曰如君之言其陳氏乎陳氏

雖無大德而有施於民豆區釜鍾之數其取之公也薄

謂以公量收

其施之民也厚

謂以私量貸

公厚斂焉陳氏厚施焉

民歸之矣詩曰雖無德與女式歌且舞

小雅車牽篇

陳氏之

施民歌舞之矣後世若少情陳氏而不亡則國其國也

已公曰善哉是可若何對曰唯禮可以已之在禮家施

不及國民不遷農不移工賈不變士不濫官不滔大夫

不收公利公曰善哉我不能矣吾今而後知禮之可以

為國也對曰禮之可以為國也久矣與天地並君令臣

共父慈子孝兄愛弟敬夫和妻柔姑慈婦聽禮也君令而不違臣共而不貳父慈而教子孝而箴箴諫也兄弟敬而順夫和而義妻柔而正姑慈而從婦聽而婉禮之善物也公曰善哉寡人今而後聞此禮之上也對曰先王所稟於天地以為其民也是以先王上之

仲尼論晉鑄刑鼎

昭公二十九年

冬晉趙鞅荀寅帥師城汝濱

趙鞅趙武孫也荀寅中行荀吳之子汝濱晉所取陸

渾地遂賦晉國一鼓鐵以鑄刑鼎

三十斤為鈞鈞四為石石四為鼓蓋用四百八

十斤 著范宣子所為刑書焉仲尼曰晉其亡乎失其度

矣夫晉國將守唐叔之所受法度以經緯其民卿大夫以序守之民是以能尊其貴貴是以能守其業貴賤不

愆所謂度也文公是以作執秩之官為被廬之法

僖二十七年

年文公蒐被廬修唐叔之法

以為盟主今棄是度也而為刑鼎民在

鼎矣何以尊貴

素禮徵書故不尊貴

貴何業之守

民不奉上則上失業

貴賤

無序何以為國且夫宣子之刑夷之蒐也晉國之亂制

也范宣子所用刑乃夷蒐之法也夷蒐在文六年一蒐而三易中軍帥賈季冀鄭之徒遂作亂故曰亂制

若之何以為法蔡史墨曰范氏中行氏其亡乎

蔡史墨即蔡墨

中行寅為下卿而干上令擅作刑器以為國法是法姦

也又加范氏焉

范宣子刑書中既廢矣今復興之是成其咎

易之亡也其及

趙氏趙孟與焉然不得已若德可以免

定十三年荀寅士吉射入朝歌

以叛

邾黑肱以濫奔魯

昭公三十一年

冬邾黑肱以濫來奔賤而書名重地故也

黑肱非命卿故曰賤

君

子曰名之不可不慎也如是

是黑肱也

夫有所名而不如

其已

有所謂有地也言雖有名不如無名已止也

以地叛雖賤必書地以名

其人終為不義弗可滅已是故君子動則思禮行則思

義不為利回不為義疚或求名而不得或欲益而名章

懲不義也齊豹為衛司寇守嗣大夫

守先人嗣言其尊

作而不

義其書為盜

求名而不得也二十年豹殺衛侯兄欲求不畏強禦之名

邾庶其

在襄二十

年邕牟夷

在五

邾黑肱以土地出求食而已不求其名

賤而必書

春秋叛者多唯取三人來適魯者三人皆小國大夫故曰賤

此二物者所

以懲肆而去貪也

物事也肆放也齊豹書盜懲肆也三叛人名去貪也○去上聲

若艱

難其身

身為難

險危大人

大人在位者

而有名章微

謂得勇名

攻難

之士將奔走之

攻猶作也奔走猶赴趣也○難去聲

若竊邑叛君以微大

利而無名

謂不書其名○微音洸

貪冒之民將寘力焉

盡力為之不顧於見

書○冒亡北反又亡報反

是以春秋書齊豹曰盜三叛人名以懲不

義數惡無禮其善志也

無禮惡逆皆數而不志記事之善者也○數所主反

故曰

春秋之稱微而顯

文微而義著○稱尺證反

婉而辨

辭婉而旨別

能使昭明

上之人謂在位者能行其法

善人勸焉淫人懼焉是以君

子貴之

衛祝佗爭先蔡定公四年

四年春三月劉文公合諸侯于召陵謀伐楚也晉荀寅

求貨于蔡侯弗得

劉文公名卷周畿內諸侯荀寅中行文子

言於范獻子曰

國家方危諸侯方貳將以襲敵不亦難乎水潦方降疾

瘡方起中山不服

中山鮮虞

棄盟取怨無損於楚而失中山

不如辭蔡侯吾自方城以來楚未可以得志

晉敗楚侵方城在襄

十六年祇取勤焉乃辭蔡侯晉人假羽旄於鄭鄭人與之

析羽為旄王者遊車之所建鄭私有之

明日或旆以會

或賤者也繼旄曰旆示卑鄭

晉

於是乎失諸侯將會衛子行敬子言於靈公曰會同難

嘖有煩言莫之治也其使祝佗從

祝佗大祝子魚

公曰善乃使

子魚子魚辭曰臣展四體以率舊職猶懼不給而煩刑

書若又共二微大罪也且夫祝社稷之常隸也社稷不

動祝不出竟官之制也君以軍行祓社釁鼓

師出先有事祓禱於

社謂之宜社於是殺牲以血塗鼓聲為釁鼓

祝奉以從

奉社主也

於是乎出竟若

嘉好之事君行師從卿行旅從

二千五百人為師五百人為旅

臣無事

焉公曰行也及臯鼬

鼬由反

將長蔡於衛衛侯使祝佗私

於萇弘曰聞諸道路不知信否若聞蔡將先衛信乎萇
弘曰信蔡叔康叔之兄也先衛不亦可乎子魚曰以先
王觀之則尚德也昔武王克商成王定之選建明德以
藩屏周故周公相王室以尹天下

尹正也

於周為睦分魯

公以大路大旂

魯公伯禽也大路金路錫同姓諸侯車也交龍為旂

夏后氏之璜

璜美玉名

封父之繁弱

封父古諸侯也繁弱大弓名

殷氏六族條氏徐氏

蕭氏索氏長勺氏尾勺氏使帥其宗氏輯其分族將其

類醜

醜衆也

以法則周公用即命於周是使之職事於魯

以昭周公之明德分之土田陪敦

陪增也敦厚也

祝宗卜史備

物典策官司彝器因商奄之民

商奄國名

命以伯禽而封於

少皞之虛

少皞虛曲阜也

分康叔以大路少帛綰旂旌

少帛雜帛

也綰旂大赤取染草名也通帛為旂○綰倉殿切與茜同旂步貝反

大呂

鐘名

殷氏七族陶

氏施氏繁氏錡氏樊氏饑氏終葵氏封畛土略自武父

以南及圃田之北竟

畛塗所徑也畧界也武父衛北界圃田鄭數名

取於有閭

之土以共王職

有閭衛所受朝宿邑蓋近京畿

取於相土之東都以會

王之東蒐

為湯沐邑王東巡狩以助祭泰山

聃季授土

聃季周公弟司空

陶叔

授民

陶叔司徒

命以康誥而封於殷虛皆啟以商政疆以周

索

皆魯衛也啟開也居殷故地因其風俗開用其政疆理土地以周法索法也

分唐叔以大

路密須之鼓

密須國名昔周文王伐密須獲其大鼓

闕鞏

甲姑洗鍾懷姓

九宗職官五正

懷姓唐之餘民九宗一姓為九族職官五正五官之長

命以唐誥

而封於夏虛

夏虛大夏今太原晉陽也

啟以夏政

亦因夏風俗

疆以

戎索

太原近戎而寒不與中國同故自以戎法

三者皆叔也

周公康叔成王叔父唐叔康王

叔父故曰皆叔

而有令德故昭之以分物不然文武成康之伯

猶多而不獲是分也唯不尚年也管蔡啟商甚間王室

也基毒王於是乎殺管叔而蔡蔡叔蔡音薩與蔡同流放罪人言放之若散米

也也以車七乘徒七十人其子蔡仲改行帥德周公舉之

以為已卿士見諸王而命之以蔡其命書云尚書蔡仲之命王

曰胡胡蔡仲名無若爾考之違王命也若之何其使蔡先衛

也武王之母弟八人周公為太宰康叔為司寇聃季為

司空五叔無官豈尚年哉五叔管叔鮮蔡叔度成叔武霍叔處毛叔聃也曹文

之昭也文王子與周公異母晉武之穆也武王曹為伯甸非尚年

也曹以伯爵居甸服言小於晉文昭國反小武穆國反大故知非尚年也今將尚之是反

先王也晉文公為踐土之盟衛成公不在

僖二十八年衛成公時奔

楚不在夷叔

即衛叔武

其母弟也猶先蔡其載書云王若曰

於會

時王子虎盟諸侯故稱王命

晉重

文

魯申

僖

衛武

叔

蔡甲午

莊

鄭捷

文齊潘

昭

宋王臣

成

莒期

茲

平

藏在周府可覆視也吾

子欲復文武之畧而不正其德將如之何長弘說告劉

子與范獻子謀之乃長衛侯於盟反自召陵鄭子大叔

未至而卒晉趙簡子為之臨甚哀曰黃父之會

在昭二十五年

夫子語我九言曰無始亂無怙富無恃寵無違同無教

禮無驕能無復怒無謀非德無犯非義

孔子相夾谷之會

定公十年

夏公會齊侯於祝其實夾谷孔丘相犁彌言於齊侯曰
孔丘知禮而無勇若使萊人以兵劫魯侯必得志焉

萊人

齊所滅萊夷也

齊侯從之孔丘以公退曰士兵之

令士官以兵擊萊人

兩

君合好而裔夷之俘以兵亂之非齊君所以命諸侯也
裔不謀夏夷不亂華俘不干盟兵不偪好於神為不祥
於德為愆義於人為失禮君必不然齊侯聞之遽辟之

辟去萊將盟齊人加於載書曰齊師出竟而不以甲車兵也

三百乘從我者有如此盟孔丘使茲無還揖對曰

茲無遠魯

夫而不反我汶陽之田吾以共命者亦如之

汶陽田即鄆謹龜陰

田齊侯將饗公孔丘謂梁丘據曰齊魯之故吾子何不

聞焉

故舊典

事既成矣而又饗之是勤執事也且犧象不

出門嘉樂不野合

犧象酒器犧尊象尊也嘉樂鐘磬也

饗而既具是棄禮

也若其不具用秕稗也

秕穀不成者稗草之似穀者言饗不具禮穢薄若秕稗○秕音

鄙稗皮用秕稗君辱棄禮名惡子盍圖之夫饗所以昭

賣反

德也不昭不如其已也乃不果饗齊人來歸郕謹龜陰之田

楚子西論夫差將敗

哀公元年

吳師在陳

是年八月吳侵陳

楚大夫皆懼曰闔廬惟能用其民

以敗我於柏舉

闔廬吳王事在定四年

今聞其嗣又甚焉將若之

何子西曰二三子恤不相睦無患吳矣昔闔廬食不二

味居不重席室不崇壇器不彤鏤宮室不觀

觀臺榭

舟車

不飾衣服財用擇不取費在國天有菑厲親巡其孤寡

而共其乏困在軍熟食者分而後敢食其所嘗者卒乘與焉勤恤其民而與之勞逸是以民不罷勞死知不曠吾先大夫子常易之所以敗我也

易猶反也

今聞夫差次有

臺榭陂池焉宿有妃嬙嬪御焉一日之行所欲必成玩好必從珍異是聚觀樂是務視民如讐而用之日新夫先自敗也已安能敗我

二十二年越滅吳

仲尼論用田賦

哀公十一年

季孫欲以田賦

丘賦之法因其田財通出馬一匹牛三頭今欲別其田及家財各為一賦故言

田賦使再有訪諸仲尼仲尼曰丘不識也三發卒曰子為

國老待子而行若之何子之不言也仲尼不對而私於

冉有曰君子之行也度於禮施取其厚事舉其中斂從

其薄如是則以丘亦足矣

丘十六井出戎馬一匹牛三頭是賦之常法

若不

度於禮而貪冒無厭則雖以田賦將又不足且子季孫

若欲行而法則周公之典在若欲苟而行又何訪焉弗

聽

明年用田賦。按文武之教之入人甚深自詩書所載而外惟左氏為備當是時強陵衆暴天下靡然驚

於戰爭然而列國諸侯朝會聘問則有玉帛以將之好會燕飲則有歌詩以侑之強大之侵伐於小國則稱王

制以折之其不幸而至於兩軍相遇則猶有辭命以先
之執榼承飲以勞之使人至今得想見先王之遺風者
左氏之書也至其親受於夫子釋經之例尤詳杜預謂
將令學者原始要終尋其枝葉究其所窮是矣自漢以
來學者但知尊公穀而家以空文說經而左氏之學中
晦賴劉歆固請得立學官然其所記問有浮夸好奇之
病是長狄榮如兄弟之類或昧於大體如周鄭交質之
非晉亂如晉侯使呂相絕秦之類今皆不取擇
卷四之於編首

御選古文淵鑒卷四



總校官庶吉士 臣 張能照

校對官助教 臣 汪錫魁

膳錄監生 臣 沈浩